

մասնակցում էին Հայ. Խորհրդի աշխատանքներին, ըստ էության բացասական դիրք ունեին և պայքարում էին անկախութեան դէմ: Ժողովրդականները սկզբունքով ճանաչում էին անկախութիւնը, բայց Հայ. Խորհրդում, համարեա միշտ, ընթանում էին ձեռք-ձեռքի սոց.—դեմոկրատների և սոց.—յեղափոխականների հետ, իսկ Թիֆլիսում նրանց կուսակիցները ջանք չէին խնայում՝ վարկաբեկելու Հայաստանի կառավարութեանը, որով, անուղղակի կերպով, հարւածում էին և Հայաստանի պետականութեան: Բացի դաշնակցականներից — այն էլ ո՛չ բոլորը — շատ քչերն էին հաւատում, որ հանրապետութիւնը կապրի ու կամբանայ:

Արեւմուտքում զարգացող դէպքերը, սակայն, հետզհետէ փոխեցին տրամադրութիւնները և՛ հայկական շրջաններում, և, մասնաւանդ, հայ բուրժուական մտաւորականութեան մէջ: Նրանք կամաց—կամաց փոխեցին իրենց վերաբերումը դէպի Հայաստանը և, երէկւայ անհաշտ հակառակորդները, սկսեցին հասկացողութեան դետին որոնել՝ արծարծելով Հայաստանի իշխանութեան վերակազմութեան ծրագիրը կօալիցիոն հիմունքներով: Այդ նպատակով, հոկտեմբերի վերջերին Երևան հասան Հայ Ժողովրդական Կուսակցութեան ներկայացուցիչները՝ Սամ. Յարութիւնեանի և Մին. Բերբերեանի գլխաւորութեամբ՝ Հ. Յ. Դաշնակցութեան հետ բանակցելու՝ կօալիցիոն կառավարութիւն կազմելու ծրագրով: Թիֆլիսի ժողովրդականների տրամադրութիւնը համապատասխանում էր և Երևանի ժողովրդականների ձգտումներին, որոնք աւելի ամուր կանգնած Հայաստանի տեսակէտի վրա՝ ջերմօրէն պաշտպանում էին համերաշխութեան ու զործակցութեան գաղափարը:

Հ. Յ. Դաշնակցութեան շարքերում էլ կօալիցիայի հարցը դրւած էր հերթի: Հոկտեմբերի վերջերին սկսել էր կառավարական սուր տագնապ. ընդդիմադիրների անվերջ քննադատութիւններից ու յարձակումներից զրւած, ինչ որ խնդրի առթիւ ստանալով անլստահութեան քէ՛՛ Գաղազնունին հրաժարական էր ներկայացրել: Առհասարակ, Հայ. Խորհրդում ստեղծւել էր անչնչելի միջոլորտ, և այդ դրութեան վերջ տալու համար Հ. Յ. Դաշնակցութիւնը մտածում էր առաջ բերել կուսակցութիւնների զործակցութիւն:

Գործակցութիւնը ներկայացւում էր երկու ձևով. ոմանք կողմնակից էին բոլոր կուսակցութիւնների մասնակցութեամբ կառավարութիւն կազմելուն, բայց կային և զուտ ընկերավարական նախարարութեան կողմնակիցներ: Այս վերջին միաջը մէկ կողմ թողնւեց, որովհետեւ Հ. Յ. Դաշնակցութեան կողմից արւած առաջարկի վրա սոց.—դեմ. և սոց.—յեղ. ֆրակցիաները դրին ակնյայտնի կերպով անիրադրոճելի պայմաններ. առաջինները պահանջեցին երկու տեղ և անպայման ներքին կամ արտաքին զործոց նախարարութիւնը. վերջինները իրենց համար առանձին պահանջներ չունէին, բայց վճռականապէս դէմ էին, որ արտաքին զործոց նախարարութիւնը յանձնւի ժողովրդականներին և ներքինը՝ սոց.—դեմոկրատներին: Այսպիսով, ընդհանուր կօալիցիայի խնդիրը մէկ կողմ էր ընկնում. միակ ելքը մնում էր